

# INUIT ATAQATIGIIT

## Inatsisartuni



UKA 2018/212  
11.10.18  
Múte Bourup Egede

### **Uunga siunnersuut: Najukkat pillugit Inatsisartut inatsisaat nr. xx, xx. xxx 2018-imeersoq.**

(Aatsitassanut, Suliffeqarnermullu Naalakkersuisoq)

Naalakkersuisut inatsisissatut siunnersuutaannut qulaani pineqartumut Inuit Ataqatigiit matumuuna naatumik oqaaseqaateqassaagut.

Najukkat pillugit Inatsisartut inatsisissatut siunnersuut pisariillisaanermik eqaallisaanermillu siunertaqarmat Inuit Ataqatigiit tunngaviatigut taperserpaat.

Nunatsinni pisortat annertuumik allaffissornermik ingerlatsinerata naapertuuttunngorsarneqarnissaa, pitsanngorsarnissaa, eqaallisarnissaa sullissilluarfiulernissaalu politikikkut suliallit siammasissumik isumaqatigiiffigigunarparput. Inuit Ataqatigiillu Naalakkersuisunut kaammattuutigerusupparput allaffissorpallaarnitta eqaallisaavigineqarlunilu annikillisarneqarnissaannut suliaqarneq pimooruteqqullugu.

Taamak oqarluta inatsisissatut siunnersuut ataatsimiitsitaliamut susasaqartumut ingerlanneqassasoq inassutigaarput. Tassanilu paasissutissat ilaatigut inunnut tunngassuteqarsinnaasut inatsimmi piumasarineqalartussat mianeraneqarnissaat qulakkeerneqassasoq.